

## ხელშეკრულება სახელმწიფო შესყიდვის შესახებ № 171

წინამდებარე ხელშეკრულება დაიდო ქ. თბილისში, 18 მაისი, 2021 წ.

ერთის მხრივ, სსიპ – ლევან სამხარაულის სახელობის სასამართლო ექსპერტიზის ეროვნული ბიურო, წარმოდგენილი ეკონომიკური დეპარტამენტის უფროსის გიორგი მუმლაძის სახით (შემდგომში – „შემსყიდველი“) და მეორეს მხრივ, შპს „ორიენტ ლოჯიკ“, წარმოდგენილი დირექტორის ვაჟა ნასყიდაშვილის სახით (შემდგომში – „მიმწოდებელი“), „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე, NAT210007959 ელექტრონული ტენდერის აუქციონის გარეშე ჩატარების შედეგად, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

„შემსყიდველმა“ „მიმწოდებლისგან“ მიიღო წინადადება კლასიფიკატორის (CPV) კოდით 48732000 - მონაცემთა დაცვის პროგრამული პაკეტები, კერძოდ **Barracuda Spam Firewall 200 ანტისპამური მოწყობილობის ლიცენზიების შესყიდვაზე**, საერთო თანხით 16 768,98 (თექვსმეტი ათას შვიდას სამოცდარვა ლარი და 98 თეთრი) ლარი დღგ-ს ჩათვლით (შემდგომში – „ხელშეკრულების ღირებულება“).

### წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების საერთო პირობებში.
2. მიმწოდებელი იღებს ვალდებულებას გაუწიოს შემსყიდველს ზემოაღნიშნული მომსახურება ხელშეკრულების პირობების შესაბამისად.
3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადაში და ფორმით.
4. წინამდებარე ხელშეკრულება ძალაშია მხარეთა ხელმოწერის დღიდან და მოქმედებს მხარეთა მიერ ნაკისრი ვალდებულებების შესრულებამდე, არაუგვიანეს 2021 წლის 31 დეკემბრისა;
5. ხელშეკრულებას თან ერთვის დანართი №1 ფასების ცხრილი, რაც წარმოადგენს ამ ხელშეკრულების განუყოფელ ნაწილს.
6. ხელშეკრულება შედგენილია 6 გვერდზე და დამოწმებულია ელექტრონული ფორმით ორივე მხარის მიერ. ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

### მხარეთა რეკვიზიტები:

|                                                                                                                                                                                                                                                                                                                              |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| „შემსყიდველი“<br>სსიპ – ლევან სამხარაულის სახელობის სასამართლო<br>ექსპერტიზის ეროვნული ბიურო<br>მის: ქ. თბილისი, ჭავჭავაძის გამზ. №84<br>ტელ: (995 32) 2 25 84 84<br>მიმღები ბანკი: სახელმწიფო ხაზინა<br>მიმღების დასახელება: ხაზინის ერთიანი ანგარიში<br>ბანკის კოდი: TRESGE22<br>სახაზინო კოდი: 707767126<br>ს/კ 204852089 |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

ეკონომიკური დეპარტამენტის უფროსი

გიორგი მუმლაძე

|                                                                                                                                                                                                                                                                                                                                     |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| „მიმწოდებელი“<br>შპს „ორიენტ ლოჯიკ“<br>მის: ქ. თბილისი, ვასო გომიაშვილის ქუჩა, N71<br>ტელ: +995322541818 / 593165051<br><a href="mailto:tenders@ol.ge">tenders@ol.ge</a> <a href="mailto:INFO@OL.GE">INFO@OL.GE</a><br>მიმღები ბანკი: სს ბაზის ბანკი<br>ბანკის კოდი: CBASGE22<br>ა/ა: GE96 BS00 0000 0005 9368 72<br>ს/კ: 202052054 |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

დირექტორი

ვაჟა ნასყიდაშვილი

## **ხელშეკრულების საერთო პირობები**

### **1. ხელშეკრულებაში გამოყენებულ ტერმინთა განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “ხელშეკრულება სახელმწიფო შესყიდვის შესახებ” (შემდგომ - „ხელშეკრულება“) - ელექტრონული ტენდერის ჩატარების შედეგად დადებული ხელშეკრულება, რომელიც ხელმოწერილია მხარეთა მიერ.

1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას.

1.4 “მიმწოდებელი” ნიშნავს პირს, რომელიც ელექტრონულ ტენდერში გამარჯვების საფუძველზე ახორციელებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში.

1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

### **2. სტანდარტები**

2.1 ხელშეკრულების ფარგლებში გაწეული მომსახურება უნდა შეესაბამებოდეს აღიარებულ სტანდარტებსა და ნორმებს;

2.2 პროგრამული უზრუნველყოფის მომსახურების ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო ნიშნის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

### **3. მომსახურების გაწევის პირობები და ვადები**

3.1 მიმწოდებელმა უნდა უზრუნველყოს მომსახურების გაწევა ხელშეკრულების გაფორმებიდან 30 კალენდარული დღის ვადაში, არაუგვიანეს 2021 წლის 17 ივნისისა.

3.2 მომსახურების გაწევის პირობები და ვადები განსაზღვრულია ხელშეკრულების დანართი N1-ით.

3.3 მიმწოდებელი უზრუნველყოფს ლიცენზიების ავტომატურ გააქტიურებას, რაც შემსყიდველის მიერ გადამოწმდება შესაბამისი ოფიციალურ ვებ-ინტერფეისში.

3.4 ხელშეკრულების მოქმედების ვადის გასვლის მიუხედავად, მიმწოდებელი არ თავისუფლდება ხელშეკრულების დანართი N1 გათვალისწინებული ლიცენზიების მხარდაჭერის ვადის ფარგლებში ნაკისრი ვალდებულებებისაგან.

### **4. ხელშეკრულების შესრულების კონტროლი**

4.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს ინსპექტირების გზით განახორციელებს ბიუროს საინფორმაციო ტექნოლოგიების და კომპიუტერული ექსპერტიზის დეპარტამენტის ინფორმაციული ტექნოლოგიების ადმინისტრატორი შოთა ბაჯიაშვილი.

4.2 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა დაუყოვნებლივ, მაგრამ არაუგვიანეს მომდევნო სამუშაო დღისა.

4.3 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიის ან სხვა ვალდებულებებისაგან.

## 5. შესყიდვის ობიექტის მიღება-ჩაბარების წესი

5.1 გაწეული მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით; შესყიდველის მხრიდან მიღება-ჩაბარებას აწარმოებენ წინამდებარე ხელშეკრულების მე-4 მუხლის 4.1 პუნქტით გათვალისწინებული შესაბამისი უფლებამოსილი პირი.

5.2 შესყიდვის ობიექტი ან მისი ნაწილი მიწოდებულად ჩაითვლება მიმწოდებლის მიერ, მიღება-ჩაბარების აქტზე მხარეების მიერ ორმხრივი ხელმოწერის შემდეგ.

## 6. ანგარიშსწორება

6.1 ანგარიშსწორების ფორმაა უნაღდო (გადარიცხვა).

6.2 ანგარიშსწორება განხორციელდება მიმწოდებლის საბანკო ანგარიშზე მიმწოდებლის მიერ ანგარიშ-ფაქტურის წარმოდგენიდან და მიღება-ჩაბარების აქტზე ორმხრივი ხელმოწერიდან არაუგვიანეს 10 (ათი) კალენდარული დღის განმავლობაში.

## 7. ანგარიშსწორების პირობები და დაფინანსების წყარო

7.1 ანგარიშსწორება მიმწოდებელთან განხორციელდება ეროვნულ ვალუტა - ლარში.

7.2 დაფინანსების წყარო: **2021 წლის სახელმწიფო ბიუჯეტი.**

## 8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შესყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

8.5 ამ ხელშეკრულების პირობების ნებისმიერი ცვლილება უნდა გაფორმდეს მხარეთა შორის ახალი ხელშეკრულებით წინამდებარე ხელშეკრულებაში ცვლილებების შეტანის გზით, რომელიც ჩაითვლება ხელშეკრულების განუყოფელ ნაწილად.

## 9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს აღნიშნულ გარემოებებთან დაკავშირებით მიღებული გადაწყვეტილების თაობაზე.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## 10. ხელშეკრულების პირობების შეუსრულებლობა

10.1 წინამდებარე ხელშეკრულების მე-3 მუხლითა და 4.2 პუნქტით გათვალისწინებული ვადების დარღვევის შემთხვევაში ყოველი დაგვიანებული დღისათვის მიმწოდებელს ეკისრება პირგასამტეხლო ხელშეკრულების ღირებულების 0,15%-ის ოდენობით, რომლის დაქვითვაც მოხდება შემსყიდველის მიერ მიმწოდებლისათვის გადასახდელი თანხიდან.

10.2. წინამდებარე ხელშეკრულების 6.2 პუნქტით განსაზღვრული ვადების დარღვევისათვის შემსყიდველს ეკისრება პირგასამტეხლო ყოველი ვადაგადაცილებული დღისათვის ხელშეკრულების ღირებულების 0,15%-ის ოდენობით.

10.3 იმ შემთხვევაში, თუ მე-10 მუხლის 10.1 ან 10.2 პუნქტებით განსაზღვრული პირგასამტეხლოს ჯამური თანხა აღემატება ხელშეკრულების ღირებულების 3%-ს მხარეს უფლება აქვს შეწყვიტოს ხელშეკრულება და მოითხოვოს პირგასამტეხლოს ანაზღაურება.

## 11. ხელშეკრულების შეწყვეტა მისი პირობების შეუსრულებლობის გამო

11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულებების შეუსრულებლობის თაობაზე წერილობითი შეტყობინების შემდეგ:

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაუწიოს სრული მომსახურება;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის მიმართ გადახდისუუნარობის საქმისწარმოების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

## 12. ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ

შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიყენოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### **13. სადავო საკითხების გადაწყვეტა**

13.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოგვარონ წინამდებარე ხელშეკრულების ან მასთან დაკავშირებული სხვა კომპონენტის ირგვლივ წარმოქმნილი ყველა უთანხმოება და დავა.

13.2 თუ შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

### **14. შეტყობინება**

14.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

14.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

### **15. გამოყენებული სამართალი**

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

### **16. გადასახადები და დაბეგვრა**

მიმწოდებელი აგებს პასუხს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

ფასების ცხრილი

| N         | დასახელება                                                                                    | ძირითადი<br>მახასიათებელი<br>(ტექნიკური დეტალების<br>შესაზამისად)                                                                                                                                                                                                                                                                                                                                       | წარმოშობის<br>ქვეყანა             | მწარმოებელი           | პროდუქტის<br>დასახელება                                                                           | ღირებულება<br>დღგ-ს ჩათვლით |
|-----------|-----------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------|-----------------------|---------------------------------------------------------------------------------------------------|-----------------------------|
| 1         | Barracuda Spam<br>Firewall 200<br>განახლებისა<br>და<br>მწარმოებლის<br>მხარდაჭერის<br>ლიცენზია | პროგრამული<br>უზრუნველყოფის<br>განახლებისა და<br>მწარმოებლის<br>მხარდაჭერის ლიცენზია:<br>ლიცენზიაში შედის 3<br>წლიანი ოპერაციული<br>სისტემის განახლება<br>(firmware update), 3 წლიანი<br>სპამისა და ვირუსების<br>ბაზის განახლება (spam<br>and virus definition updates),<br>3 წლიანი 24/7<br>მწარმოებლის<br>მხარდაჭერა. • ლიცენზია<br>ძალაშია: 2021 წლის 20<br>მაისიდან 2024 წლის 20<br>მაისის ჩათვლით. | ამერიკის<br>შეერთებული<br>შტატები | Barracuda<br>Networks | Barracuda<br>Email Security<br>Gateway<br>Appliance 200<br>Energize<br>Updates<br>Subscription    | 10,183.40                   |
| 2         | მწარმოებლის<br>საგარანტიო<br>მომსახურების<br>ლიცენზია (ე.წ.<br>IR (Instant<br>Replacement)    | • ლიცენზიაში შედის<br>მწარმოებლის 3 წლიანი<br>საგარანტიო მომსახურება,<br>რომელიც ითვალისწინებს<br>- მოწყობილობის<br>დაზიანების შემთხვევაში,<br>ქეისის გახსნიდან შემდეგ<br>სამუშაო დღეს<br>მწარმოებლის მხრიდან<br>ახალი აპარატურის<br>გამოგზავნას. • ლიცენზია<br>ძალაშია: 2021 წლის 20<br>მაისიდან 2024 წლის 20<br>მაისის ჩათვლით                                                                        | ამერიკის<br>შეერთებული<br>შტატები | Barracuda<br>Networks | Barracuda<br>Email Security<br>Gateway<br>Appliance 200<br>Instant<br>Replacement<br>Subscription | 6,585.58                    |
| სულ ჯამი: |                                                                                               |                                                                                                                                                                                                                                                                                                                                                                                                         |                                   |                       |                                                                                                   | 16,768.98                   |